

天下郡國利病書卷三十六

崑山顧炎武寧人轉  
成郡龍萬育燮堂

穀山筆塵

隋煬帝開通濟渠自東都西苑引穀洛之水達於河又  
自板渚引河水達於汴又自大梁東引汴水入泗達於  
淮又自山陽至揚子達於江於是江淮河汴之水相屬  
而為一矣煬帝又開永濟渠引沁水南達於河北通涿  
郡又穿江南河自京口至杭州八百里蓋今所用者皆  
其舊迹也夫會通河自濟汶以下江河淮泗通流為一  
則通濟之遠也滹沱御漳則永濟之遺也自京口開通  
於浙河則江南之道也煬帝此舉為其國促數年之祚

卷六

山東二

而為後世開萬世之利可謂不仁而有功者矣秦皇亦  
然今東起遼陽北至上郡延袤萬里有邊城之利皆非  
長城之墟耶嗟夫此未易與一二淺見者談也

魏州御河即隋煬帝所開永濟渠也今在大名界中東  
合汶濟之水會為運河猶稱御河

石晉開運元年滑州河決侵汴曹濮鄆鄆五州之境環  
梁山合於汶水此全河南徙之始也梁山在今壽張東  
平之間汶水自東北來與濟水會於梁山之北而決河  
之水瀾浸潰溢環梁山而會於汶則宋之所謂梁山樂  
矣

熙寧十年河決澶州北道斷絕河流南徙東匯於梁山  
張澤樂分爲二派一合南清河入於淮一合北清河入  
於海自清入匯卽今沂泗南流山徐邳入淮之道宋元  
以來未知有改也北道自張秋決塞河不復來而人淮  
水遂受河之委條南條北去海數百里間而竭國家  
之力不能制而一之也

賈魯河自黃陵南達白茅放於黃岡等口卽今賈魯河  
故道也白茅在曹縣黃岡在單縣萬歷丙申黃岡河決  
出賈魯河故道出符離集等處蓋卽元人所挑矣  
通鑑裴度討李師道請令田宏正自楊劉渡河直指鄆

卷三十六

山東二

二

州至陽穀置營宏正奉命自楊劉渡河距鄆四十里築  
壘師道遣劉悟屯於陽穀夜半還兵天未明抵城下九  
域志陽穀在州西一百三十里者非也去州百三十里  
者乃今陽穀縣在西北楊劉在州正北不應楊劉渡河  
迂至西又轉而東且悞以三鼓還師安得未明卽馳百  
三十里此陽穀乃今陽店在州北四十里卽渡所分置  
營地也又宏正奏敗師道兵於東阿注云東阿漢右縣  
唐屬鄆州九域志在州西北六十里與今舊縣相合而  
舊志載宋時始由阿城遷於南谷審如所紀則唐時邑  
城方在故阿去州百里而遙矣然則南谷有城不至宋

始遷可徵也

梁晉河上之師德勝楊劉各有南北二城跨河而守皆河津要地也晉人初據德勝爲梁人所敗東守楊劉王彥章段凝以十萬之師百道進攻迄不能拔而大河之險已入於晉矣德勝在濮州境內晉史云德勝口澶州地也澶州舊治頓邱天福中徙州跨德勝津已而又作浮梁於上是爲澶州河橋矣楊劉在東阿北境可六十里黃河舊堤隱隱可見墟里人煙久成聚落而二城之迹則不可考矣







沙河關

長清縣

沙河關

臨清州

阿城鎮  
南船到此止  
能入運河

平陽府

魚山鎮  
鹽船到此屢車  
至所城二十里


東平州

泉流泉

分水龍三廟  
給

徐州

邳州



鹽法志

本司所轄一十九場惟八場鑿鹽永利利國豐民豐國  
四場距海稍近鹽曬於地其形顯今謂之鹽鹽是也永  
阜新鎮王家岡寧海四場距海不啻六七十里而透鹽  
熬於盤其形散今謂之末鹽是也然煎之之法率以天  
時爲本而成之以人力每歲春夏間天氣晴明取池滷  
注盤中煎之盤四角搯爲一織葦攔盤上週塗以蛭泥  
自子至亥謂之一伏火凡六乾燒鹽六盤盤百斤凡六  
百斤爲火引鹽一餘二百斤詰旦仍出坑灰攤曬亭場  
間至申俟鹽花浸入灰內仍實灰於坑以取滷其試滷

卷三

集二

八

必以石蓮投之滷中沈而下者爲澹滷浮而橫側者爲  
生澹滷煎之費蒞薪必浮而立於滷面者乃管入盤煎  
之頃刻而就將乾仍投以皂角數斤鹽始凝結至於積  
灰則入以年久爲良滷水潰潤出鹽尤多然久旱則潮  
氣下降土燥而鹽不生花久雨則客水浸溢亭場沾濕  
曬灰又致銷蝕故以灰取滷必雨暘時若而後鹽始豐  
若夫曬鹽之法其取滷則又有灰淋土淋之殊土淋之  
法以畚插起鹹鹺潮灘土曬乾實土池中注水取滷如  
灰淋法每竈各砌磚石爲大灑池旭日晴霽挽坑井所  
積滷水滲入池中曝之自辰逮申不煩鑿鬻之力即可



掃鹽以輸官少陰晦則絕無鹽故海堧之場多曬鹽而場去斥鹵遠者多火鹽鹽品以散爲上而鹽次之

夫募商鬻鹽肇自宋雍熙高其法以商輸芻粟塞下而官給之鹽夫亦漢鼂錯遺策也識者違之明洪武初循用其策以東鹺專供遼代芻粟累朝邊計賴焉成化間稍更往故入金鹺可自是飛輓不繼於邊塞其策與彼孰多此未易講也蓋不獨東鹺已矣東鹺商額較他方甚微渺其開中鹽引僅一十二萬餘耳顧有內商有邊商邊商則報中鹽引於遼代輸芻粟與金各半之以金計每引僅值金一錢又半之內商則轉購鹽引於邊

商藉以鬻餘鹽年利而鹺司徵其金歲額以兩計凡五萬輸而之計部計部復輸而之邊鎮猶存國初寶邊遺意焉司計者所宜殫心也

運使甘一驥開鹽河議查得洛下口流見今上接新治大清河通行濱州霑化利津入海以收寧海等八鹽場之利爲山東梁宋之用並無湮塞無容再議其所稱鹽河故道久湮難尋則小清河南一支逕流青州等府樂安等縣海倉等十一場入海者也國初山東鹽河有東北二大支其北一支屬洛口蒲臺二批驍所爲大清河洛口上流自東平墳河口東阿平陰長清齊河而

東入洛口下流經齊東滄臺濱州霑化利津入海以通  
寧海永阜豐國永利利國富國豐民王家岡等場運鹽  
出八場過蒲臺洛口二關而達運河此鹽河北一支屬  
洛口蒲臺二所而達寧海等八場之鹽利者也其東一  
支屬樂安批驗所爲小清河出趵突泉流大明湖經華  
不注山流龍山經章邱流清塔沙三河經鄒平長山新  
城流孝婦河又東經高苑博興流烏河其名烏河者一  
名乾時左傳公與齊侯戰於乾時是也一名時水杜預  
注時水在樂安縣界臨淄二十五里是也源出益都矮  
槐樹北又有系河者在長山縣北二十里源出苑城店

經新城界流烏河而入小清河其名孝婦河者源出益  
都西顏神鎮三里經菑川長山新城北抵高苑博興樂  
安東北達高家港又有泔河者在長山縣南二里源出  
米山自城南流孝婦河而入小清河又有乾溝河者在  
長山縣西南三十里源出長白山流孝婦河而入小清  
河其名清沙河者清河一名繡江在章邱縣東一里源  
出會仙山下合百脈泉東西二麻灣泉西北匯爲白雲  
湖而入小清河沙河在鄒平縣面三百步源出大峪山  
西北而入小清河諸水皆申馬平領支脈河澄海口北  
入海自小河而南上流則爲臨淄縣之淄河澠水康辰

水爲益都縣之巨洋水爲臨朐縣之培水石溝水爲沂州之東加河西加河沐河湯河爲郟城縣之大方湖沂河經徐州邳宿而遠黃河自小清而東下流則爲壽光縣之沮河龍泉水王欽水爲日照縣之付疇河竹子河大兒莊河在萊州府則爲濰縣之濰河淮河白浪河寒泥河爲昌邑縣之浮康河七溝河爲膠州之膠萊河洋河爲高密縣之張魯河五龍河白水河爲平度州之雲河現河蘇村河墨水漱玉泉乳泉爲卽墨縣之土液泉龍泉爲掖縣之南陽河掖河白沙河萬歲河泉村河上官河在登州府則爲招遠縣之萬盛河五澗河爲萊陽

縣之五龍河陶張河平南河爲福山縣之清洋河義井河而登萊等府壽光日照等縣各有支河入海此鹽河南一支屬樂安批驗所而通海滄高家港等十一場之鹽利者也成化以後海滄等十一場支河乾涸商旅不行邳州改行淮鹽開歸改行河東樂安批驗所裁革而鹽河南一支故道遂日就湮沒無復可尋矣十一場竈丁改徵折銀每引七分五釐共徵六十餘兩舍其所產徵其所乏而竈丁漸累漸逃愈逃愈遠無復更生之望矣近乘開歸分認地方之會議豁折銀復本色仍照附省竈丁例五分四釐支商歲減徵銀一千七百兩而十

一場貧窶庶幾少蘇顧十一場水利湮廢竈鹽不售所謂洶濕濡洙烏在其能蘇窶也鹽河僅存者北一支大清河耳洛口爲大清下流齊東縣間有淺處尙無湮塞蒲臺而下通行濱州利津霑化入海大清上流自汶河口築而鹽州不達於運河至魚山車運三十里上船而商人始告病矣運河之水涓滴不復鹽河加以連年旱乾商人舍舟從陸而大清又幾廢矣幸蒙 廟堂採議濬五泉建五閘以復大清之舊以通寧海等八鹽場之利不獨山東舊額五萬兩賴之卽梁末新額一萬六千兩亦取辦於此矣但往以十九場而應全齊梁末今以

州

卷三

山東二

三

大場而應全齊梁末源少流涸恐不可繼明問欲舉鹽河故道而盡復之誠盛心也但樂安北負海日照南負海登萊東負海古所謂天府之國齊得十二焉而不得收負海之利豈非有其地無其人乎凡有憂國憂民之心者不能不拜明問而扼腕也竊念天下之事當與天下之人共爲之百世之利當爲百世之規共興之功不必自我出我開其端而俾後人底其績可也效不必旦夕計今創其畫而俾後數十年竟其功亦可也蓋民可與樂成難與慮始驟語之以興水利必忽焉而不信今且儆之以除水害驟語之以開河通舟楫必駭焉而懼

擾今日引之以通溝渠庶幾其有濟乎夫一市之中必有一市之溝不然市遇霖雨必害於一市矣一村之內必有一村之溝不然村遇霖雨必害於一村矣况大而一邑又大而一郡不通溝洫不洩不流豈不害於一邑一郡哉宜下令各邑繪圖貼說某村之溝以某村爲下流各郡繪圖貼說某邑之溝以某邑爲下流邑各率其境內合一市之力通一市之溝合一村之力通一村之溝合一邑之力通一邑之溝邑之下流有壅者郡助之費以通之而一邑之水害弭矣一邑之故道出矣郡之下流有壅者藩司助之費以通之而一郡之水害弭矣

一郡之故道出矣語云禹以四海爲壑又云禹盡力於溝河善治水者未有不通下流亦未不自溝洫始也古今異宜陵谷變遷凡可通處卽爲故道誌書所載諸水不必泥也凡可入海處卽爲壑禹之九河不必追也時拙舉贏大象未易輕動苟有溝渠以洩下流卽可與民安堵不必遽望通鹽河興舟楫之利也溝渠旣通下流旣洩水害旣除故道旣出藩司又繪一闔省水利總圖某郡之水由某邑歸於運河某郡之水由某邑歸於黃河某郡之水由某邑歸於海某處下流可蓄應建閘以蓄水某處上流有泉可濬應導泉以濟水仍爲圖說

詔後之來者近而數年或遠而數十年時和歲豐物力  
充盛必有能因時立政盡復鹽河之舊以通商盡輸海  
滄諸場之鹽以惠竈盡通山海之利以還先齊民物輸  
輳之盛者矣

三鎮

安平鎮 在兗州府南九十里屬兗州東平府阿陽穀壽  
張轄宋元名號不一洪武初年改名張秋宏治  
六年河決木鎮東口為害甚擄命平江伯陳銳副都  
御史劉大夏治之復平勅賜令名益取平茂之意也  
本鎮駐劄有工部郎中一員汶上東阿各僉決手一名  
兗州府管河捕務通判一員東平州僉民壯二  
十名送廳巡捕壽縣二縣主簿衙門門驛院課  
局 濮州曹州范縣鄆城定陶曹縣壽張水汝倉 院  
穀東阿壽 張春草廠

卷五

山東三

顏神鎮

在青州府

治西南一百八十里地鄰新泰萊蕪

首領官防守後嘉靖十七年因山寇不時竊發在止委府  
設本府通判一員駐劄該鎮緝捕盜賊受理詞訟嘉靖  
三十七年青州兵備副使王呈請兩院題准建立石城  
歲撥新泰萊蕪淄川高苑壽光蒙陰六縣民壯一百五  
十名快手六名操練鎮守

景芝鎮

在青州府

府所屬安丘高密諸城三縣地界各

歷七年青州兵備副使周轉呈都察院題准寺設萊州  
府通判一員駐劄該鎮無論三縣七著流寓成聽鈴制  
仍照顏神鎮事例凡本鎮大小詞訟亦從本官受理高  
密安邱各僉快手二名民壯十名聽候差撥巡邏

山礮

濟南府

萊蕪縣

生辛莊月兒莊山谷各錢  
礮潭一處今因塞完固

兗州府

沂州 龍扒山銀礦洞一處在州西一百二十里寶山銀

州西南上谷村晒錢埠山銀礦洞一處在縣西南九十里米家埠

費縣 簸箕掌山銀礦洞一處在縣西南香城村新莊嶺鉛礦洞

南黃莊村一處在縣東

嶧縣 揚家泉山銀礦洞一處在縣東北時杭村以上礦

滕縣 胡嶺山銀礦洞一處在縣東北時統轄設總巡沂

州衛千戶一員帶領團操快壯協同老

高州府

益都縣 孟坵山鉛礦洞一處在縣西北七十里

卷三

山東二

五

顏神鎮 老師山鉛礦洞一處在南莊社應角山鉛礦洞

黃沙陸鉛礦洞一處在黃孤圭鉛礦處處礦俱在柏樹社

大全嶺鉛礦洞一處在三泉社以上礦洞七處俱封

寨完固各義民一名帶領近洞

鎔手牌中日輪十五名巡邏看守

莒州 落山銀礦洞一處四處俱封塞完固各有

義勇官一員帶領下

團操快壯巡邏看守

蒙陰縣 胡家寨山銀礦洞一處在縣北一百八十里

守 邈有

臨朐縣 嵩山在縣西有七十里與黑山相連出銀礦其

白丹砂之類也水中亦時出礦及沙金鉛錫銅鐵石礦

採三次黑山一銀礦洞一處嘉靖三十年奉明文官

一次樓青山一洋銀礦洞一處兩額坡土洋銀礦洞一

處老猫窩項銀礦洞一處以上礦洞六處俱封塞完固

總設義勇官一員督率打手十名并附  
近總甲二十名餘手一千名巡邏看守

### 登州府

寧海州老鼠一處在州西三十里仇家港  
處在州南九十里胡家溝銀礦洞  
十里譚家口銀礦洞處在州東南一百里以上礦洞  
五處俱封塞完固隊編定地方役民壯巡守  
外仍木州巡捕官帶領巡捕人役巡邏看守  
蓬萊縣蘇道溝金礦洞一處在縣東南八十里番干嶺  
港銀礦洞二處在縣西南九十里以上礦洞四處有高  
家楊家店二巡司督令下班團操快壯十名登州營每  
李委官一員帶領旗軍二十名  
井地方保甲人等巡邏看守  
萊陽縣東關項銀礦洞一處在縣西北九十里本縣官  
守快等役外僉鄰近地方鄉夫五名在彼巡邏看守

### 卷三六

山東二

共

福山縣化石銀礦洞一處在縣西北四十里孫芥洞  
俱封塞完固各處有下班快壯每月輪撥五名中前所軍  
每月輪撥五名各處巡捕官并孫芥洞每月輪撥六名各跟隨本  
縣及中前所各處巡捕官并孫芥洞每月輪撥六名各跟隨本  
巡邏仍令該管地方保甲人等巡邏看守  
招遠縣盧頭溝金礦洞一處在縣正南四十里嘉靖四  
一處在縣東北五十里旨差官採取一次雲青頂銀礦洞  
十里歡高銀礦洞一處在縣正東五里東高銀礦洞  
一處在縣東北五十里以上礦洞五處俱封塞完  
固本縣差義勇官帶領下班團操快壯巡邏看守  
棲霞縣艾山湯金礦洞一處在縣東北三十里古蹟頂銀  
處在縣東北八十里黑羊尿河銀礦洞一處在縣東八  
十里白馬奔銀礦洞一處在縣東八十里廟兒溝銀礦  
洞一處在縣東南七十里方山頂銀礦洞一處在縣西  
南三十五里海嶺銀礦洞一處在縣西七十里黃芥銀礦  
洞一處在縣西五里廟兒溝銀礦洞一處在縣西  
瀋銀礦洞一處在縣西七十里黃芥銀礦洞一處在縣西  
西北十五里粉子葫芦銀礦洞一處在縣東北三十里



西林備銀礦洞一處在縣北六十里以上礦洞具  
二處俱封塞完固除古蹟頂刊登州營官軍二一名  
每季輪流防守外其餘俱  
係地方夫役巡邏看守

文登縣 遮陽山南灘湯村嶺金礦洞一處在縣正南  
十里黃嵐金礦洞一處在縣北二十里桑樹

在縣東南三十里在縣東二十五里佛兒項銀礦洞一處  
在縣正南四十里

臺項後水銀礦洞一處在縣正南四十里馬鞍山南豹  
山汪銀礦洞一處在縣正南二十里狗兒坑銀礦洞一

處在縣東三十里橫山銀礦洞一處在縣東四十里  
李家山銀礦洞一處在縣北六十里古積頂項子溝銀

礦洞一處在縣東六十里同家坑銀礦洞一處在縣東  
北六十里朋子溝龍王廟銀礦洞一

處在縣東六十里同家坑銀礦洞一處在龍池地名離縣  
北九十里

惡石山喇查埠銀礦洞一處在縣東北一百里林村集  
後銀礦洞一處在縣東北一百二十里溫泉後銀礦

洞一處在縣東北一百里著棋山銀礦洞一處在縣東  
北五十里著棋山老項小銀礦洞一處在縣東北五十

卷六

山東二

七

里高落頭銀礦洞一處在縣正北九十里牛仙上喪口  
銀礦洞一處在縣西北七十里干仙項銀礦洞一處在  
縣東五十里以上礦洞二十三處俱封  
塞完固各有地方保甲人等巡邏看守

均徭論

均徭之議蓋人人殊矣然嘗考大中丞梁公之議曰有  
田有租不易之法均徭隨時審編實兼身家而論若均  
徭再論田租是正供之外復加重累有庸有租之成法  
遂盡廢矣今止論身家身即徭之所謂丁也家即徭之  
所謂門也先明正體然後審編自有條緒若曰據地料  
差為力即易招議亦鮮是自為得矣如百姓何善哉公  
之議均徭也蓋地利有肥瘠天時有水旱故富商巨賈

家累萬金而地止數十畝者往往有之假令據地審差則力穡務本之民不勝其困而逐末者流反得恃以免矣然人丁有多寡門則有高下其丁多則衆舉爲易其門高則重差可承乃審編官有止報上六則無上三則或三則聊具數戶却無多丁者甚至上上等縣亦無上上則門者自謂以一縣之民承一縣之差不必苛求上則不知上擦爲中是上戶與中戶同力矣中擦爲下是中戶與下戶同力矣縱與重差已減力數及編差不足勢必派之下下暗損貧民差徭不均卒之貧者愈逃賒累上戶久之富者亦貧矣察其始豈非以上三則人戶

有勢力者有所畏忌而不敢而下下貧民者無由自直於院道乎然卒至於貧富俱病計亦左矣近歲俱行各道督編止重身家而嚴冒免之禁徭役視昔年稱均矣繼自今以往惟以身家審編必不得已爲之調停亦於地多而門高者酌量加等則貧富適均而差徭無累東土之凋瘵庶其少瘳乎

里甲論

按國初事簡里均閭閻殷富便於十甲輪支其後事煩費冗里胥因而爲奸里甲凋敝而輪支殆稱苦矣近議有十甲朋黨者有照舊十年輪充者有論丁不論地者

有丁地兼派者言人人殊大較酌量州縣衝僻共計歲費幾何立爲常則斂之於官而爲之雇募支銷是爲上策蓋在官則費止於一在民則乘機科派上下交征無名之費且有難顯言者矣但實心撫字者一遵約束無容議矣中村以下往往周里甲者則以議供之銀約而查盤之法嚴也夫天下之財不在官則在民官豈能自足哉原銀大減勢不得不累之民查盤旣嚴則在委官以剔核爲賢在州縣以指摘爲懼於是有官銀貯庫而陰用里甲者甚至乾沒官銀毒斂以罔上者是法之更也將以便民而反爲民病矣近奉 明旨再議里甲公

費業已從寬且免其查盤矣各官有仍用里甲者盡法而叅提之將何以自解哉有治人無治法變通宜民則有司存

許成名小清河記

濟城之陰曰大小清河皆水支消也濟水伏見不常名隨地異按書發於沈溢於滎至於河浮於汶東達於濟入於海濟今之大清河也小清出趵突泉流大明湖經華不注山會龍山河經章邱會清濩二河經鄒平長山新城會孝婦河又東經高苑博興樂安會烏河北由馬車瀆入於海此兩河之故道也成化癸巳間道塞水溢

大叅侯官唐公濩議召飢民數萬濬數百里通舟楫之  
交廣魚鹽之利得湖田數百頃歷城之有稻實自茲始  
迄嘉靖癸巳蓋六十年大清如故而小清之道自博興  
而西及清濬孝婦諸河皆決塞爲害歷下之西北百里  
水盤迴山阜道多梗塞每秋雨暴漲溪潰川奔漂居廬  
災禾稼濟人之憂莫甚焉惟時菴袁公來撫茲上乃奮  
然曰水以養人顧以害人治之無道耳吾聞之善治水  
者順其性莫與之爭爲之委以殺其勢斯轉害爲功矣  
害之弗祛惟撫之愆遂自博興達歷下開小清故道幾  
三百里疏鄭黃溝分新城之流疏新河殺烏河之勢其

清濬孝婦諸河則濬其塞導其支而樹之防於是諸水  
悉平咸注之小清河矣又歷下之西南大清河之北黃  
岡之西舊石橋四出迴折八十餘里河旁達曲貫於是  
諸路之水咸注之大清河矣夫濟水經緯濟堯之墟千  
餘里派折條分驅而之道俾生民無水之虞而反滋其  
利然非抱康濟之蘊篤極惠之誠 蒸黎之利審山川  
之紀未有能濟者也嗚呼唐起其端而公益大其後上  
下百餘年鴻猷駿功炳炳齊魯邇其時亦癸巳若造物  
相之而然者豈非數哉苟嗣是有爲之紹殆萬世之利  
也竊爲九河失道神禹蹟微而江北兗冀之區每秋水

橫發任其泛溢而莫之理畏動寡謀者則談諸海桑陵  
谷之變而貪功喜事者又鑿以自用而昧水之宜若乃  
樹不可已之功惟仁且智者能之故清河之役三載而  
民不困

李開先潔議

東省青濟之間水之大者莫如二清河治者顧後河而  
先漂何也以其衝要有害用力少而成功多耳大清河  
發源平陰縣南柳溝泉從張秋分流而灌長清齊河至  
歷城會濼水經濟陽齊東武定青城濱州蒲臺利津諸  
州縣至寧海場達於海小清河發源濟南趵突泉出大

明河經華不注山下章邱白雲湖會清漂二河轉而之  
東過澣山泊鄒平長山孝婦河新城烏會河博興高苑  
至樂安高家港達於海大清河自夾山迤南及西北之  
水皆注焉會流至齊東勢方洶湧而齊東東南城角去  
河不過二三步卽陡峻不測之淵是大清河不堪再會  
漂河蓋會則流益洶湧益衝浸該縣之城使大清河不  
與漂會壞亦遲速間耳欲使漂與大清河會流入海不  
必別開水道但移此城東南一角近內內多隙地爲力  
無難有借言壞城者不可聽也况漂水止今一半由柳  
塘口薛渡口陳愷溝會於大清河計勢似無不容非在

以潔水使之會大清河逆水之性也小清河自省城迤東青州迤西諸山之外皆注焉今濼水白雲湖滄河之水皆徑入大清不復入小清惟濼河之水今爲小清之源自柳河口以西之小清遂廢惟東會澣山泊岔河孝婦河烏河漢輳河諸水入海中間小溝曲澗尙不知有幾洶湧之勢比之大清稍次然在大清不爲害在小清則甚爲害者蓋大清河深而濶足以容之也小清河淺而窄不足以容之也故小清一遇山水時發下南決鄒平長山新城則北決青城博興高苑河北有地則欲南決河南有地則欲北決盜開構訟以鄰爲壑殆無虛日

濼水在今謂之不導亦可故今不獨治濼水云耳其澣山泊岔河孝婦河烏河漢輳河諸水併治之惟在折築小清使之寬大高深足以有容而已蓋濼澣岔孝馬漢輳上流俱各寬大今反注於小清勢轉淺窄安得不決故小清必使大於諸水而後能受今小清底僅寬三丈口面僅寬四丈倘得將小清折移一邊使底約寬二十丈口面寬約三十丈如大清規模自柳塘折築小清分濼水一半之東又開柳塘使濼水一半之西可保濼水永不爲害矣或者又謂小清雖開無益夫濼水不東爲之無益方可然觀濼雖深不盈尺亦向東流是爲害者

特窄淺不容非不能流也但開柳塘使漯水之西則小  
清不必折築亦不爲害此但能除鄒平青城之害而不  
能除長山新城博興高苑之害且反爲齊東章邱貽無  
窮之害矣鄒平青城當漯水東去之上流漯水旣西則  
二縣安枕雖有澣山泊岔河二水不足爲慮而長山新  
城博興高苑仍有孝婦烏河漢輦諸水入小清又不免  
於衝決是害猶存十分之七故能拆築小清則孝婦烏  
漢輦諸水併治之矣是口迤東起至樂安止如此而又  
開柳塘使漯水西分仍有河決之患未之聞也今之議  
者皆云柳塘一開則漯水不爲鄒長新青博高六縣之

害是也但不念章邱齊東皆居下流陳愷溝至齊東東  
門外方入大清該縣東南城角實隣之又陳愷溝并柳  
塘迤西至薛渡地方河與溝俱絕無隄防之固萬一水  
俱之西憑何障蔽反使章邱齊東桑麻之地爲魚鼈之  
場故欲開此口必先將齊東東南城角移築進內內多  
隙地不必別開水道致逆水性反滋泛濫城治然後開  
陳愷溝次及薛渡柳塘舊小清則河與溝與城旣治然  
後可開柳塘以分漯水之勢拆築小清河者仍使漯水  
一半之東其由柳塘西過章邱北入齊東亦不過一半  
耳彼此兼得可無大患拆築小清是又兼治柳塘薛渡

二口及陳愷溝齊東城水害之一策也不然章邱之害猶可言也齊東之害不可言也可畏也哉大清小清之河既不相會各經入海惟今之計惟拆築小清導漂水使之東可也柳塘似不必開但水無有不下柳塘迤東漂水雖流而性緩緩則易壅柳塘迤西若開其流必急急則易瀉東西高下之勢於此可見昔人治灤水消河白雲湖徑入大清河者豈無見於拆築小清哉蓋因其勢而利導之也欲開柳塘者如昔人引灤水消河白雲湖徑入大清之例而不盡令漂水入大清者蓋爲齊東縣城計也其折築小清者又併治諸水而不專爲一漂

也然則一開柳塘一拆築小清功可偏廢乎統而觀之柳塘一開而漂水分小清再拓而漂水順開柳塘所以爲拓小清之漸也拓小清所以爲并治孝婦諸河之本也與其全歸漂水於一河孰若兩分其勢之爲便與其獨惜齊東之一城孰若不貽鄒平以東諸縣之害之爲愈建久安之治者當酌輕重之宜圖遠大之規者宜審緩急之勢除民害而後興民利有治人而後舉治法誠得人以綜理之爲萬世計而不顧一時爲萬民計而不徇一邑倣禹跡之舊相水勢之宜均夫役之勞平工料之費樹榆柳以作隄防通溝渠以時蓄洩暫費而永寧



一勞而久佚然非先治漯水吾恐終有害而勞無功矣  
故治先治漯而議亦先漯作漯議

王遴漯河議

漯河載史古稱禹功今既失其故道爲害地方茲欲動  
衆費財以疏治之其事非小若懸想遙度止憑衆論恐  
不如親見之爲真乃督同章邱縣知縣董文案及鄒平  
縣生員孫悌等鄉民王守正等親自鄒平縣迤北小清  
河岸至章邱縣柳塘口紀家口薛渡口陳愷溝麻  
齊東縣沿河一帶逐一詢及土居父老并質以平日所  
見所聞頗得梗槩該府原呈據知縣潘德元申謂柳塘

口之塞誠爲鄒平等縣之害而小清河之開亦非失計  
以大勢言之委爲確論但議欲止開柳塘口而謂小清  
河已經開濬謂薛渡口陳愷溝以北惟加疏濬之功則  
言之太易殊非萬全之道也以職之愚柳塘口固不可  
不開小清河亦不可不開柳塘口不過一夫之力  
耳而柳塘口迤西至薛渡口轉北由陳愷溝至齊東縣  
并該縣之城又不可不預爲之備開柳塘口固是而小  
清河若不再加開濬則漯水勢必俱折而之西萬一洶  
湧浩蕩薛渡口陳愷溝不能容納齊東縣城不能支持  
必貽章邱齊東之害故今欲治漯水必兩分其勢一出

柳塘口至齊東縣一由小清河至樂安縣並舉其功斯永無後患矣議者欲開紀家口但紀家口原無故道未免議買民田若勢成則便欲加罪於侵占阻撓之人但柳塘口故道俱存原未被侵開時卽開若樊萊等則無辜斯二者一當決擇一當寬恕無不可也

按大清河發源於平陰縣南之柳清泉由東平州北門外過西折而之東北夏秋運河泛溢張秋迤南東岸有減水閘一座減出有餘之水與之相會徑由東阿縣北平陰縣北長清縣北齊河縣東歷城縣北濟陽縣南齊東縣北以下仍約有百餘里入海是大清河自泰山迤

南迤北迤西諸山之水皆注焉會流至齊東縣兵勢之洶湧不言可知而齊東縣城東北一角去河岸不過二三步卽陡峻不測之淵是大清河不堪再會漯河益會則流益洶湧城益衝塌然以職之愚計之該縣之城使大清河不會漯河亦壞特遲速間耳以城去水甚近甚峻而崩則不可支矣故今欲使漯河與大清河會流入海不必別開水道但移此城東北一角近內內多隙地功省易成借言於壞城者謀可沮也况漯水止令一半由柳塘口薛渡口陳愷溝會於大清河計勢似無不容非全令漯水使之會大清河強之以所不堪也

按小清河發源於歷城縣之灤水東過章邱經白雲湖會清河灤河過鄒平會澗山岐岔河過長山會孝婦河過新城會烏河漢轅河由博興高苑樂安以下亦約有百餘里入海是小清河由省城迤東青州迤西諸山之水皆注焉今灤水白雲湖清河之水皆經入大清河不復入小清河惟灤河之水今爲小清河之源自柳塘口迤西之小清河遂廢惟東會澗山岐岔河孝婦河烏河漢轅河諸水入海中間小溝曲澗尙不知有幾其勢之洶湧比之大清河稍次然在大清河不爲患在小清河則甚爲害矣蓋大清河深而濶足以容之也小清河淺

而窄不足以容之也故小清河一遇山水時發不南決鄒平長山新城則北決青城博興高苑河北有地則欲南決河南有地則欲北決盜開構訟以鄰爲壑殆無虛日灤水之在今日謂之不導亦可故今不獨治灤水宜併治澗山岐岔河孝婦河烏河漢轅河諸水併治之策維河在拆築小清河使之寬大高深足以有容而已蓋灤河澗山岐岔河孝婦河馬河漢轅河上流俱各寬大今反注於小清河勢轉淺窄安得不決故小清河必使大於諸水而後能受今看得小清河僅底寬三丈口面僅寬四丈倘得將小清河拆移一邊使底約寬二十丈

口面約寬三十丈一如大清河規模自柳塘口迤東起至樂安縣止如此而又開柳塘口使漂水西分仍有河決之患未之信也

按柳塘口今之議者皆云此口一開則漂水不爲鄒平長山新城博興高苑之害是也但不念章邱齊東皆居下流陳愷溝至齊東縣東門外方入大清河該縣東南城角實鄰之又陳愷溝柳塘口迤西至薛渡口地方河與溝俱小絕無隄防之固萬一水俱之西憑何障蔽反使章邱齊東桑麻之地爲魚鼈之場而城池又干係倉庫官民可乎故今欲開此口必先將齊東縣東門城角

卷三六

山東二

天

移築進內多隙地不必別開水道致逆水性反滋泛濫且功省易成城旣治然後開陳愷溝陳愷溝旣開然後開薛渡口至柳塘口舊小清河河與溝與城旣治然後可開柳塘口以分漂水之勢夫旣拆築小清河分漂水一半之東又開柳塘口使漂水一半之西職不佞可保漂水永不爲害

按議者又謂小清河雖開無益夫漂水不東謂之無益方可職觀漂水雖深不盈尺亦向東流是爲害者特窄淺不容非不能流也使其寬濶有容必不能爲害按議者又謂但開柳塘口使漂水之西則小清河不必

拆築亦不爲害然此但能除鄒平青城之害而不能除長山新城博興高苑之害且反爲章邱齊東貽無窮之害蓋鄒平青城當潔水東去之上流潔水旣西則二縣安枕雖有許山岷河二水不足爲慮而長山新城博興高苑仍有孝婦河漢烏河韓河諸水入小清河又不免於衝決是害猶存十之七八故能拆築小清河則孝婦烏河漢韓河諸水併治之矣豈獨治潔水拆築小清河者欲仍使潔水一半之東庶潔水由柳塘口西過章邱北入齊東亦不過一半彼此兼得可無大害職敢謂拆築小清河是又治柳塘口薛渡口陳愷溝齊東城水

害之一策也不然章邱之害猶可言也齊東之害不可言也均爲吾民可不深念之哉

按議者又謂灤水潔水其始俱入小清河由陳愷溝入大清河方達於海陳愷溝乃小清河故道柳塘口迤東名爲新河非小清河也今治潔水但開其故道而巳經曰濶濟潔而注之海是也觀章邱縣志有小清河東入大清河之文可証然以職之愚斷之爲此說者其鄒平等縣也非章邱齊東之人也職卽查得章邱縣志內云小清河至柳塘口又東入大清河竊詳又東二字而陳愷溝別在柳塘口之西是陳愷溝非小清河故道甚明

安得引以爲証又查得齊東縣志謂陳愷溝爲減水河蓋減清河白雲湖之水入大清河使不爲害陳愷溝者俗稱也先正李文達公有開減水河記是陳愷溝肇自成化元年已前則無陳愷溝非小清河故道又明章邱縣志可証而齊東縣志與減水河記不可証耶職又究竟章邱縣志所謂小清河東入大清河之說今按地形絕無踪跡可考訪之故老亦云小清河自來獨向東行不入大清河又考之山東總志亦云大清小清二河各徑入海夫總志成於衆論不知志章邱縣者果何所見也小清河既自來獨而東行其云會於大清河者又無

踪跡可考然則名小清河爲新河謂陳愷溝爲小清河故道者職固曰其鄒平等縣也非章邱齊東之人也按議者又謂大清小清二河既不相會各徑入海爲今之計惟拆築小清河導濼水使之東可也柳塘口似不必開是矣但水性好下柳塘口迤東濼水雖流而性緩則易壅柳塘口迤西若開其流當急急則易瀉是東西高下之勢可見昔人治濼水清河白雲湖經入大清河者豈無見於折築小清河哉蓋因勢而利導之也故今欲開柳塘口者一如昔人引濼水清河白雲湖徑入大清河之例而不盡令濼水入大清河者蓋爲齊東縣城

深計也其折築小清河者又併治諸水而不專爲潔水然則一開柳塘口一拆築小清河功可偏廢乎按拆築小清河夫以萬人功計百日鄒平長山新城青城博興高苑樂安七縣其派仍須濟南府發銀二千兩青州府發銀二千兩接濟

按開柳塘口至薛渡口開陳愷溝至齊東縣并移築齊東東北角東南角二處城垣夫以萬人功計百日齊東章邱萊蕪長山淄川齊河禹城濟陽歷城平原十縣其派仍須請撫院發銀二千兩按院發銀二千兩接濟按有治人無治法古今定論潔水舊稱禹功爲今之計

卷三

山東一

三

不動衆不用財則不能治然動衆用財而不得人以綜理焉亦罔見底績所深望者撫按二院大作張主藩臬之長并百爾君子協心共贊不爲一已之謀而有天下之慮不爲一時之計而有久遠之圖勿惜費勿畏難選擇委在使其人畢力竭衷如其不効以殛鯨之罪罪之彼何辭焉若曰暫爲調停補其隙漏苟且偷安潔水之害終在坐視民溺職雖至愚極陋萬萬知其不可也